

Suliatsak Ammajuk Itsavini NiukKaijinik Aulatsijik

Nunatsiavut Marine Inc. (Nunatsiavut Pujuliligijet Iitagijaugutilet) Kinijajut Itsavini NiukKaijinik Aulatsijitsamik aujautillugu Natuashish, Labradorimi. Kaujimatitsinginnaluni Itsavini Aulatsijillagimik, tainna suliatsatâttaujuk kamajugiakalâttuk, agviatauganilu, ukuninga suliatsanik:

kamagigialingit:

- UsilittuiKattaluni/ usingijaiKattalunilu/ niuviatsaKautinit, amittajanik, motakânik, aKullugit upvalonnet uKumaittuniutikkut sollu Kangattaigutikkut, immusisimajunik Kangattaigutikkut, napitâgusisimajunik, tuavittumik ommaginnisaullunilonnat maligatsatigut;
- Nalâgut aulatauningit pilukautaukKunagit ilonnatik aulautet ammalu KaujitsiKattaluni sunatuinnait siKumiutiniujalippata upvalonnet asingit pilukautaugajakKotut suliaKattinut KaujjautisagaiKattalugit angajukKâminut;
- Angininginnik ottuKattaluni, uKumainninginnik, immigolitiKattalugit, âkKisutsiaKattalugit niukKataulippata niuviatsait, allaKattalugit Kaujimajaugialet ilingajut tikisângusimaninginnut akilittaugialet;
- NiuviatsaKautik, Kimatulivik, usilittuinik malillugit maligatsangit nunalet itsavingita;
- Niuviatsanik kamaKattaluni immigolitillugit, immusittuKattalugit, pokKalugit allaKattalugit, niukKaigutunik âkKigiatsiKattaluni ammalu asinginnik suliaKaKattaluni;
- Ilonnainik kamatsiaKattaluni itsaviup piKutinginnik, salumattisiallugit pilukapviuKunagillu.
- AtuinnguttiKattalugit akilitsait usijausimajunut, akilittausimajunik KaujigatsaliuKattaluni, asinginnilu allataugialinik allagiaKaliguni.
- Akilitsanik katitsuiKattaluni tikisângusimajunut, nalâgut nalautsittisiaKattalugit ammalu nâmmasiattumik akilittausimajut KaujigatsaliuKattalugit, akilittausimajullu aullatiKattalugit aulatsivimmut.
- AllaKattalugit KaujjautiKattalugillu malunnatut pilukattausimajut usingijajauullutik usilittutauullutillonet tikisângijausimajut;
- Asinginnik suliaKaKattaluni pikKujautualiguni suliaKapviminut.

Ilisimagialingit:

- Kangattaigutimmik aulatsisongulluni pisongugialik.
- Atuinnausongunginnagialik suliaKasongulluni unnuangugaluappat, wogiup nâningani ullusiupvinillu, pikKujautualiguni.

Pigumajauuattut ilaliugutilet Labrador Inuit Nunamik Satusainnimut AngiKatigegutinganut. Ilisimajut pigumajullu aullatitsilaullit suliatsasiugutimminik KângiutikKâtinnagu **May 31, 2019** uvunga:

Kagitaujatigut: careers@labradorferry.ca